


კომუნისტი

№ 32

1917

ახალი სამინისტრო.



კეზენსკი (ხმა მიღლა). თქვენგან ხსნას ელის მამული და რევოლუცია...

(ჩუმად) ვინც დაიჯერებს ჩემის აზრით ის...

ქუთაისში ქალაქის არჩევნებია!

არჩევნების დროს, მოძმემო, ცდუნება ერთობ დიდია.
,,კაცი ამას სჯამს, თუ იმას, გემოვნებაზე ჰკილია“.

ზოგს მოსწონს ფედერალისტი, რას ერჩი, ნება მისია
(სენია ესეც ერთგვარი, სიგიჟის დასაწყისია),

ზოგი ძაღვტებს აღმერთებს. ღმერთმა შეარგოს ყველასა
ბურჯუაძეთა, ქირია, ტყვილა ნუ ფიქრობთ შევლასა).

ზოგი თაყვანს სცემს იცით ვის? ვისა და **დაშნაკუტუნსა**,
(თავისიანებს რო ნახავს, ფინიაც მორთავს წკმუტუნსა)

ზოგ-ზოგი ხალხის შესსიად **ესხერებს** ასახელებსა,
კენჭსაც მისცემენ... (ყველა გიჟს თქვენ სად შეუკრავთ ხელებსა?)

არიან **უპარტიონიც**, მონაფარდენი ტყე-ველად...
(არც გზა იციან, არც კვალი, აზრი აქვთ გაურკვეველად.

მაგრამ, ძვირფასნო, ქვეყანა მარტო იმათი როდია,
იქნებ გგონიათ ამ დღეებს ამათთვის შეეხაროდია?

არა, გეთაყვა, არიან ქვეყნად ავ-კარგის მცნობელნი
სოციალ-დემოკრატიის

წევრნი და თანამგრძნობელნი.

პირველი სია მათია. შეშენით პირველობაცა,
ღარიბთა თანაგრძნობანი, ჩაგრულთა მფარველობაცა.
ვისაც სურს, ხალხის ბედ-იღბალს ხალხის მართავდეს ხელები,
მას უკეთესი იმათზე სხვა ნურვინ უნდა მცველები.
ვისაც სურს ხალხის ინტერეს დარაჯი ედგეს ვარგისი
ვაფრთხილებ: მხოლოდ და მხოლოდ იმედი ჰქონდეს მაგისი,
სოციალ-დემოკრატია ტალ-კვესად გამოწვერთნილია

მას უყვარს დედა მშობელი...

(იგი ხომ ხალხის შვილია!)

როცა შენ გიცავს, ჩაგრულო, იგი თავის თავს ავალებს
მისთვის ებრძოდა ლომ-გულად იგი რუსეთის მტარვალებს,
თავისუფლება იმისთვის, როგორც თევზისთვის წყალია,
ამიტომ ბევრმა მათგანმა ბოროლ ქვეშ სულიც დალია.
იგია მისი დარაჯი, ლომ-გული, განასაღები,
იმის სიმტკიცეს, სილადეს და სიმხნეს ვენაცვალეები!

მაშ გგრე, ძმანო, **ხმა მივსცეო**

სოციალ-დემოკრატებსა

(თორემ დანარჩენ პარტიებს ვერ ვანდობთ ვერცა ბატებსა)

ეშმაკი.

ვის უნდა მივსცეთ ხმა

ქუთაისის

ქალაქის არჩევნებში?

აი ვის:

ა) თუ გსურთ ქალაქს მდიდრები განაგებდეს, მარტო მდიდრებზე სწუნავდეს და ღარიბები ფეხებზე ეკიდოს, ირ-ჩიეთ კადეტები, პლუტოკრატები.

ბ) თუ გსურთ განახლებულ გამგეობაში ისევ ძველი მაძინაცვლები დასხდეს, ხმა მიეცით სოციალისტ-რევოლუციონერთა სიას.

გ) თუ გინდათ ქალაქის მცხოვრებთა შორის განაღდეს უთანხმოება, და ქალაქის მშვიდობიანი ცხოვრება შუღლივ აუაღ-მაუაღით შეიცვალოს, ხმა მიეცით ნაციონალისტურ პარტიებს: დაშნაკ-ციუტუნებს, სოციალისტ-ფედერალისტებს, ნაციონალ-დემოკრატებს.

დ) თუ გსურთ ღარიბი ხალხის ინტერების დაცვა, ერთა შორის თანხმობისა და სიუვარულის ჩამოკდება, თავისუფლებისა და რევოლუციის დარაჯთა მხარე დაჭერა ქალაქის საქმეებში სამართლიანობის გამოფება — ხმა მიეცით სოციალ-დემოკრატიულ მუშათა პარტი ს სიას.

№ 1.

ქუთაისის აზრეგები

ქვეყანაზე (და აგრეთვე ქუთაისშიაც) ბევრი აზიერებული კაცი სცხოვრობს.

აი მაგალითად: ზოგიერთსა ჰგონია:

ვინც ბევრსა უვიწის, სიტყვით ცინე-ქალაქს ამყენებს, (საქმით კი კერძის ზირად ნაცარში იქექება) ვინც საზოგადო მოღვაწეობას «თბილი ადგილის» თვალთა სუდვით უუერებს, ვინაც სამშობლო ენაზე აკერია, ხოლო ენა გაუჩერებელი აქვს; ვინც სხვის თვალში ბეწვს მენიშნავს, ხოლო თავისაში ჯიკვს ვერ ამჩნევს; ერთი სიტყვით ისეთი ხალხი, როგორც ჩვენი «სოციალისტ-ფედერალისტები» ქვეყნის მსხველათ არიან მოვლინებულნი.

ათასი უწირო, ამკვარ აზიერებულ მოქალაქეს მინც ვერ დააჯერებ მის შეცდომაში. როგორც «ცერცვი კედელს», არ ეთვისება კონიერი სიტყვა მის ბუნებას.

მეტნაც ვიტყვი.

ისეთი ტინებიც არიან ჩვენში, რომ დაშნაკუტუნებს სოციალისტებათ სთვლიან და შეგნებულათ მხარს უჭერენ. «კაცია და გუნებაო» ამბობს ანდასა. სტოლინინი სულელი კაცი არ იყო და თუკი მას მოსწონდა სოციალ-სინვორების მოღვაწეობა, რატომ ჩვენებურ შოვინისტებს არ უნდა მოეწონოს.

კონიერი მოქალაქის მოვალეობა (თუკი მოახერხებს რასაკვირველია) შეეცადოს მათ გადარჯულებას ტბილი-მეკობრული სიტყვით (და არა ისე მაუხერით, როგორც

ზინვორ სოციალისტებსა სჩვევიათ, ან შე მოსავლანი ადგილის დაზირებით, როგორც ეს მაიმა მოკავშირე «სოციალ»-ფედერალი-სტებმა იცინა).

თუ ჩვენ ამ ვაებატოხებს დაუუჯერებთ, ქალაქში უნდა ებრძოდეს უფლებებისათვის ერთი—ერთს და არა კლასი კლასს. მაგალითად, ქუთაისის გაძევებაში სომხები თავისკენ უნდა იწიწებოდენ, ქართველები თავისკენ, რუსები კიდევ თავისკენ, თითქო ამ სხვა და სხვა ეროვნებათათვის სხვა და სხვა გვარი ქუჩები, სხვა და სხვა გვარი ტრამვაები, სხვა და სხვა გვარი ბაღები*), სხვა და სხვანაირი განათება**). იყოს საჭირო.

სოსილ დამოკრასი საქმეს სხვაგვარათ უუერებენ. ისინი ამბობენ:

ა) ეროვნებას აქ საჩხუბარი და გასაცოფი არაფერი აქვს. აქ საქმე მდიდართა და ღარიბთა ბრძოლაზეა დამოკიდებულიო.

მართლაც, რომელი სულელი ეროვნება იქნება კარგ წყალზე, კარგ ქუჩებზე, მშვენიერ სინათლეზე და საზოგადოთ კეთილ ცხოვრებაზე უარი სთქვას? ასეთი აზიერებული ხალხი ჯერ არავის უნახავს. სამაგიეროთ ძლიერ ხშირია ისეთი აზიერებული მოქალაქე, რომელსაც ყველაფერი კარგი თავისთვის უნდა, ხოლო ცუდსა და უვარგისს ზოგჯერ სხვისთვისაც გაიმეტებს. რომელ ქალაქშიაც უნდა მიხვიდეთ ყველგან ნახავთ მშვენიერსაც და მოძულეებულ უბნებსაც. პირველში მდიდრები განისვენებენ, მეორეში ღარიბები იზრჩევიან. მდიდრები ღარიბებს „ქველმოქმედებას უწევენ“. (ამისათვის არის მდიდარ

*) ეს კი შეიძლება, ვინაიდან ფედერალისტებს საქეიფო ბაღები უფრო მოსწონს.

**) მართალია არიან ისეთებიც, რომელთაც ბნელი ქუჩები ურჩევია სთავსს და სუფთას.

ქალბატონთა შორის მრავალი ქველმოქმედი). ისინი როცა ღარიბთა უბნებიდან ათასობით გადასახადს აიღებენ განათებისათვის, არც იმათ ივიწყებენ და ერთ ხუთ მანეთიან ფანარს ჩაურჭობენ საღმე განაპირა ქუჩის პირათ.

როცა მათგან ათიათასობით მოხვეჭენ სწავლის ფულს, არც იგენს დაივიწყებენ და ერთ განყოფილებას გაუხსნიან ანაბანის შესასწავლათ.

როცა მათგან უხვად მოაგროვებენ გადასახადს წყლისათვის, არც მათ ინტერესებს ივიწყებენ და ღარიბთა უბნებშიაც ორ სამ ალუგას ამოაყოფიებენ თავს მილს, საიდანაც უმეტეს შემთხვევაში მხოლოდ ბუბუბუი ისმის და წყალი არც თუ წვეთავს.

არიან ისეთი გვამები, რომ ყოველივე ამის შემდეგ მაინც დაიწყებენ მტკიცებას: მდიდრების ხელში ჩვენი საქმე უკეთ წავა, ვინაიდან ისინი მდიდრები არიან და დაგვეხმარებიანო.

სოციალ-დემოკრატები კი ამბობენ:

თავი დაანებეთ! ქარის ნურც შემოტანილი გვინდა, ნურც გატანილი. ოღონდ ჩვენსას ნუ წავგართმევენ და მისას ჩვენ არაფერს ვთხოულობთო. ქალაქში ღარიბი ასჯერ მეტია, ვიდრე მდიდარი და ამიტომ ქალაქის მართვა გამგეობაც სწორეთ ღარიბი კლასის, ხალხის, ანუ დემოკრატიის ხელში უნდა იყოსო.

ეს დიდი ხნიდან ასე იქნებოდა, თუ კი ყველა ღარიბს, ყველა დემოკრატს გარკვეული ჰქონდეს თავისი ინტერესები. ეს რომ ასე ყოფილიყო, განა თფილისელი სომხის დემოკრატები დაშნაკცაკანებს, იმ სოლოლაკელთა პირში შვილებს და ვორონცოვის ლაქიებს მისცემდა ხმას? რასაკვირველია არა, მაგრამ შეგნება ერთობ ნელა, მეტისმეტი გაჭირვებით ჩადის ღარიბი ხალხის თავში.

კმარა რაცა ვსთქვიოთ. ვისაც ყურნი აქვს სმენად ისმენს და ხმას მისცემს დემოკრატიის ქეშმარიტი დამცველის **სოციალ-დემოკრატების**

პატარა ფელეტონი

ქუთაისი.

ღმერთმა რომ ქუთაისი გააჩინა, (თუ მართლაც მიუძღვის მას ამ დანაშაულის ჩადენა) შეზღუდვით მტვერი დააყარა და ზედ ჩხირით დააწერა:

— იქნები მითა ეამში ერთ წერტილზე გაყინული, არც მოიმატებ, არც მოიკლებ, არც სრულიად გაგიშდები, ვერც მეტ ქვეას შეიძენ; ყველა აბუჩად აგივლებს და უთავოს თაოსნობას მოინდომებს.

დაწერა და დასტოვა.

ჩამოიარა კალისტრატე ჩიკვაძემ, დიანახა წარწერა, წაიკითხა და ეშმაკურათ ჩიციანა:

— შეხედე ღმერთს, რა მშვენიერი ლექსა გადმოუგდია ჩემთვისო. აიღო და ფეხებზე დაიკიდა.

დიდხანს ათრევდა იგი ქუთაისს, ვიდრე სიბერემ არ უწია და კუნთები არ მოუდუნდა.

ერთხელ, საღამო ხანს, კალისტრატემ ბაღახანის ქუჩაზე ჩამოიარა. ფეხი ტალახში ჩაუცდა, მოსწია, როგორც იქნა ამოიღო, მაგრამ ქუთაისი კი ტალახში ჩარჩა.

გზათ იღია მანუჩარიზი მოდიოდა. შორს მჭვრეტელი თვალი მოჰკრა ტალახში ჩარჩენილ სამკაულს და მხიარულათ შემოსძახა:

— ერთი ამას დამიხედეთ, სწორეთ ჩემზე ითქმის: „ზედი მომეც და სანებვეზე გადამაგდეთ“. კალოში მჭიროდა და აი სად დამისკუბა ზედისწერამ.

ჩაიკვა ფეხზე, მაგრამ სრული მოუვიდა და სრულიად ჩაჯდა შიგ. მშვენიერი ხანახავი იყო იგი ამ მდგომარეობაში. მართო თავილა მოსჩანდა კალოშიდან და ვინც კი დაინახავდა ყველა ასე ამბობდა:

— ერთი შეხედეთ რა მშვენიერათ ზის თავი კალოშიო.

მართლაც მშვენიერათ იჯდა. არცხინათ მომდომარე სახეზე არავითარი მზრუნველობის ნაოჭები არ ემჩნეოდა. წვიმის დროს დაცურავდა ტალახში ლაღათ და მზიანში ზენა ქარისაგან აყენებულ

მტვერს უღარდელათ ყლაპავდა. ყველა სიამოვნებითა და მხიარულათ უყურებდა მის საქმიანობას, თითონაც საფუძვლიანათ მსჯელობდა. როდესაც ჰკითხავდნენ:

— რატომ ქუჩებს არ გაასუფთავებ ასეთი ვაჟივალი ტალახი დგასო. ილია მანუჩარჩი მიუგებდა.

— ნუ თუ არ იცით ტალახს რო სამკურნალო მნიშვნელობა აქვს? თქვენ გეუყობათ მუნიციპალური საქმეების ბევრი არაფერი გაგვებათ. მე დანამდილებით ვიცი, რომ უტალახო ქალაქებიდან განგებ დადიან ტალახიანებში. მაგალითად ევატორიაში, გურჯაანში და სხვანა.

მოდი და მიუფე სიტყვა ასეთ ნასწავლს.

— ესეც არ იყოს, — განაგრძობს ილია მანუჩარჩი — ტალახში სიარულიც უფრო ერბილება აღამიანის ფეხს, ვიდრე ქვაფენილებზე ხრავენი.

და განა ეს მართლაც ასე არ არის!!

იჯდა არხენად თავის კალოში ილია მანუჩარჩი, როცა საშიშარი ზენა ამოიქრა. დაჰქროლა მის კალოშს და ტლაპოს ტალღებზე აათამაშა. ჰაი გადარჩეს, ჰაი გადმოვარდეს და დაიხრჩვეს. მდგომარეობა ტრალიკული შეიქმნა. მან საჰეს ხელი გაუშო და ღვთის ვედრებას შეუდგა. ეს ხერხი „დედა-ენიდან“ შეუსწავლია.

ქარიშხალი მატულობს და აი ფერისცვალება დღეს კრიზისიც მოსალოდნელია. ქირისუფლებს იმედი აქვთ მისი გადარჩენისა, მაგრამ ჩვენის აზრით კალოში უთუოდ გადაუბრუნდება და ჩასძირავს, ან უკეთეს შემთხვევაში, რომელიმე რესტორანის პირად გაირიყება.

ვნახოთ ფერისცვალებაც ხვალ არის.

მორიელი.

ქ უ თ ა ი ს ი

(ყუთები).

ყოველ დღე ფულის ხიკვა
და ყოველ დღე ყუთები,
სახლიდან ვერ გავდივარ,
შგონი დავიხუთები.
იშოვნეს ამდენი

ბიჭი ხარ და ამ ქალებს
სადმე დავმალები.

მერე ქალებს, რა ქალებს!
გეგონებათ ნახატი!

ოი იმით გაუწყრათ
წმინდა გიორგის ხატი!
ერთი კვირა მშიერი
რომ იარო ქუჩაზე,
უარს მაინც ვერ ეტყვი
ფულების მიცემაზე.
მასთან თავი თუ მოგწონს,
მეყუთეა ლამაზი,
იმდღეს აღარ გიშველის
მათვის ასი აბაზი.

არა ერთხელ დღისეა
კითხვა: ყუთის აკრძალვა,
მაგრამ ასეთ აზრების
დროზე მოხდა დაკრძალვა.
მერმე იცით რა იყო
ყველა ამის მიზეზი?

ძმაო ისევ ქალები
და იმათივე დეზი!
მე არ მესმის რათ უნდათ
მათ ემანსიპაცია,
მთელი ქვეყნის კაცებსა,
როს სძლევს ერთი ფაცია.
მაშ ვიკმაროთ ეხლა ეს
დავგმოთ ასეთი წესი,
დამიჯვრეთ ეს რჩევა
იქნება უკეთესი.

გავვიმართეთ თეატრი,
გავვიმართეთ საღამო,
დღე იყოს ქალები
ლამაზები, საამო,
ოღონდ გვექონდეს უფლება,
რომ მოვიდეთ ნებითა
და ჩვენაც მოგვეპრობით
შეტ პატივისცემითა.

და თუ ამას არ იზამთ
ტაქტიკურ მოსაზრებით,
ქუჩაში ხეტიალით
რა კი ვეღარ გაძლებით,
მაშინ, დანო, არ ვიცით
თავი რით დავახწიოთ

და ესე გასაჭირი
 თუ რა ხერხით დავსძლიოთ.
 შენ კი ძმაო, ეშმაკო,
 გახლავს გამოცდილება,
 იმედია ამ თხოვნას
 არ ხედება გაწილება.
 მომწერე საიდუმლოთ
 და მტერი დააბრმავე,
 იქნება მით დამიხსნა
 მე შენი მოამბავე,
 რომ გავიდე ქუჩაზე
 უშიშრათ, უღარდელათ
 ამბების შესაკრებათ
 და შენდა მოსაწუღელათ.

სატანა.

ხმის უმეტეტესობით სულზე განაწილება გა-
დაწყდა.

ხანგრძლივი ანგარიშის შემდეგ გამოირკვა,
რომ დიდსა და პატარას ოჯახში მყოფს თითონ
ხედება შვიდ-შვიდი გირვანქა „სისულელე“. მ-
შინვე განაწილეს ეს „სისულელე“, რომელიც ზო-
გიერთ ოჯახს სამ ფუთამდე ერგო!

არ დაივიწყოთ, რომ ველისციხელებისათვის
ეს სულ ახალი ხილია!

ხალხი დიდი კმაყოფილი დარჩა როგორც ლე-
კებისა, აგრეთვე ადგილობრივ სასურსათო კომი-
ტეტისა.

შემდეგ წერილში მოგწერ, ამხანაგო ეშმაკო,
როგორ სარგებლობენ ველისციხელები თავიანთ
„სისულელით“.

ახალი აგენტა.

ბედნიერი დღე.

(ველისციხელების აღტაცებული სიხარული).

მართლაც რომ 19 მკათათვისთანა ბედნიერი დღე
მის ეამში აღარ გაუთენდებათ ველისციხელებს!
რა იყო მიზეზი?

აღნიშნულ რიცხვის წინა დამეს კობახოვლ
ლეკებმა ოთხი ურემი, ანუ წონით 1011 ფუთი მო-
მწიფებული სისულელე მოიტანეს!

იმ დამესვე შეიკრიბა სასურსათო კომიტეტი,
შეიკრიბა აგრეთვე აუარებელი ხალხი. მოსულმა
ლეკებმა იქ დამსწრეებს შემდეგი შეღავათიანი წი-
ნადადება მისცეს: რადგანაც ჯერ-ჯერობით იმ სალ-
დათთა ცოლებს, რომელთა ქმრები შინ არიან, მაგ-
რამ მთავრობის მუქთა მოწყალეების მიღება ცოტა
გვიანდებათ და ღვინის მოსავალიც აღარა, ამისა-
თვის ამ ჩვენ მიერ მოტანილს და თქვენთვის ფრიალ
აუცილებელ საქონელს „ნდობით“ გაძლევთ და
ხვედრი ფასი მომავალ ქრისტეშობისთვის პირველამ-
დის ჩავგაბარეთო.

სასურსათო კომიტეტმაც და ხალხმაც დიდის
აღტაცებით მიიღეს ლეკების ასეთი ღმობიერი წი-
ნადადება და მადლობა გამოუცხადეს ნდობისათვის.

ამის შემდეგ ასტყდა ჩვეულებრივი დავა: ათას
თერთმეტი ფუთი „მომწიფებული სისულელე“ კომ-
ლიურათ გაიყოს თუ თითო სულზე განაწილდესო.

ჩემი გასაჭირი.

ავდგები დილას და
რას ხედავს თვალები?!
ყულაბით ხელშია
ამდგარან ქალები,


დადიან ფუნდრუკით
როგორც, რომ გვრიტები;
როგორც, რომ ფერია,
მარდი და ცქვიტები.

პატარა აფიშას,
მოგაკერენ გულზედა,
ვინ ნადვლობს თუ ჯიბე
თხლათ არის ფულზედა.

ჯანაბას! ვიფიქრებ:
ვერ ვეტყვი უარსა,
საცოლო ვაჭი ვარ
თავს ქუდი მხურავსა.

გვეიარ ცოტას და
იქ კიდევ სხვებია,


ზუთხების ზეიმი.



კალისტრატე ჩიკვაძე. იცინეთ, იცინეთ ვერაგებო, დროს იყო თქვენი საშუალებით ქალაქს გადავებრუნებდი.

ზუთხი. დრო იყო და აღარ არის
 ვგონებ აღარც დაბრუნდება,
 იგი შენი ტარიელი
 საარაკოთ გახუნდება.

ურემი რო გადაბრუნდება გზა მას უკან გამოჩნდება.



ბელაურსა ჩვენსა „ჭანჩაკსა“
 (ვისა უქებ მე ჩაჭაკსა)
 გზა აებნა არჩევანის
 კანდიდატთა გამოყვანის.
 მყის შეაბეს მათ ურემი
 ზედ შემოსვეს არშაკ ჩემი,
 და ქუჩებში გაუყენეს
 (მტრებს თვალეზი დაუყენეს)
 გზა გამოდგა ერთობ ბრუნდე,

(ურემმა ჰქნა გადაბრუნდი)
 არშაკი მას ქვეშ მოექცა
 და მყის თვალი დააცეცა.
 დაინახა მან სხვა შარა
 და სთქვა: მე ვარ მეტიჩარა.
 ანდაზას რათ არ ვუყურე
 და ტალახში შევაცურე?
 აი თურმე გზა სად მიდის
 ან მე ურემს ვინ მიყიდის?

ჩამდგარან ქუჩებში,
გაუკრავთ გზებია.

ჩაგვიგდე! ჩაგვიგდე!
კოტა რამ წვლილი,
(და ვფიქრობ ლამაზთან
არ ვქამო სირცხვილია.)

ვაძლევ და მივდივარ.
მაგრამ აქ სხვა კიდევ;
წინ მხედება: - ცირკისა
ბილეთი იყიდე!

(ჯანაბას ვიფიქრებ:
ვერვეტყვი უარსა,
საცოლო ბიჭი ვარ
თავს ქული მხურავსა...)

ვაძლევ და მივდივარ,
გროშებზე მწუხარე
გონებას ცეცხლი სწვავს,
გულს მდაგავს მდულარე.

მივდივარ ქვევითა,
მივდივარ მაგრამა;
კვლავ მოაქვს მზე ქალას
თეატრის პრაგრამა.

„ვერ წახვალ, დაიცა,“
თან წყნარად იცინის.
თან ბილეთს ხელშია,
მაძალებს მაწვდის ის.

ჯანაბას, ვიფიქრებ,
ვერ ვეტყვი უარსა,
საცოლო ვაჟი ვარ
თავს ქული მხურავსა.

და მივალ ოხ, ღმერთო,
რა არის ამდონა?!
კვლავ მხედება ახალი,
ფითარცა მადონა.

ყმაწვილო! ყმაწვილო!

დაიცა ერთ წამა.

(თიქოსო ზევსური,
მასმინა ზეცამა...)

იყიდე ბილეთი,
კლუბში გვაქვს საღამო!
მოდიტ და ატარეთ
დროება საამო...

თან მაწვდის ღიმილით,
ბილეთებს ხელში,
(თვალს ტურფა რამ მტაცებს),
მაციებს წელში,
ჯანაბას! ვიფიქრებ:
ვერ ვეტყვი უარსა,
საცოლო ბიჭი ვარ,
თავს ქული მხურავსა...

აღარ მაქვს გროშები,
ამეწვა მუცელი,
გულზე მაქვს აფიშა
ორმოცი ფურცელი...
ოხ რას გავს ეს ძარცვა,
ოხ, რას გავს ნეტავი?!
რად გაჩენდნ ქალები,
ეგ გასაწყვეტავი.

ყოველ ღღე ქუჩებში,
ყულაბი, ბილეთი,
მათხოვრად ამდგარა,
ეს ხალხი მილეთი,

როკოკო.

ახალი ბრძოლის ველი.

I.

ღღემდის ნეიტრალურმა ხვარბეთმაც გამოუ-
ცხადა ომი კოოპერატივ „სიფხიზლეს“. — წარუ-
დგინა ნოტა თუ არა, ელვის სისწრაფით დაესხა
თავს საწყალ „სიფხიზლეს“, საშიშრათ შეიარაღე-
ბა... ო, ბზაქაძის თაოსნობით. იგი შესანი-

შნავეთ აწარმოებდა ბრძოლას, რამდენიმე კონტრიერიშების შემდეგ საგრძობლად დაუახლოვდა „სიფხიზლის“ გამაგრებულ კედლებს, მაგრამ თავგანწირული ბრძოლით შეაჩერა „სიფხიზლის“ რაზმმა ბზაქაძე. იგი იძულებული შეიქნა შეეჩერებია ბრძოლა დროებით, რადგან მათ ხელს უშლიდა უსუსრსათობა. ამით ისარგებლა „სიფხიზლის“ კომენდატმა, გამოიწერა სპეციალისტი ინჟინრები ი. ლ-ძე. და ნ. ტ-ში რომლებმა სწრაფად შეაკეთეს დანგრეული სიმაგრეები.

16 ივლისს გაჩაღდა ხელ ახალი ბრძოლა. ბზაქაძე მაღლიდან დაეცა სიმაგრეს და დასანგრევად აუარებელი ქორებით გატენილი ყუმბარები ჩამოყარა... მაგრამ ზარალი არ მოუტანია, რადგან დაქამული გამოდგა მათი ყუმბარები ნოტიოანი ღერების გამო.

— ხლიკვაძე ლაშვს შემოჰყოლოდა მაგარი კრისერებით, რომელიც მოდიოდა მძიმე ზარბაზნებით და აუარებელი ქორებით შემზადებული ყუმბარებით. მაგრამ ორასი მეტრით დაუახლოვდა თუ არა ნაღმს, წააწყდა და აფეთქდა. ჰაერი კი ერთობ მოწამლა.

— ქვეითი და მზვერავი რაზმი გულიანად მოაღდა „სიფხიზლის“ სიმაგრეებს. ბ-ნი ინტრიგადის მეთაურობათ, მაგრამ ორიოდ კონტრიერიშის შემდეგ სიფხიზლის რაზმმა იგღო ხელთ ბ-ნი ინტრიგაძე და რამდენიმე ტყვე აუარებელი ნადავლით. (რომლის რაოდენობას შემდეგში აღვნიშნავთ) ბრძოლა დასრულდა სიფხიზლის სასარგებლოდ. უსუსრვებთ გამარჯვებას სიფხიზლის რაზმს და მათ კომენდატს რომლებიც დღითა და ღამით მუშაობენ საქმის ტეხნიკურად გაუმჯობესობაზედ.

გაუმარჯოთ მათ...

ძირს ქორებით შეიარაღებული რაზმები.

ძირს მათი მეთაური ინტრიგანები...

გაუმარჯოს პატიოსან მშრომელს...

ანდრიეს მეზობელი.

ხონის ფილიალი

ამბობენ: — მასწავლებლებმა

გავხსენით ფილიალი;
ჩვენი ნუგეში, იმედი
სიცოცხლის ნაპერწკალიო.

—:—

წევრებთ ჩავეწერენით
ყველანი: კაცო-ქალიო,
რომ მით გვეგემა ტანჯულებს
სიამე, შვების ალიო.

—:—

მტკბარი აღერსით გვექვრიბო
მზე ჩვენთვის ამოსულიო,
ია და ვარდი დამქნარი
გვენახა გაფურჩქნულიო.

—:—

მაგრამ ფილიალს თან დაყვა
განხეთქილება, შურიო,
და მით მუღმივათ ტანჯულებს
ღღესაც გვეღება წყლულიო.

—:—

გამგეობაში „ესფერი“
რადგან არც ერთი მოჰყვაო,
ასტეხეს აურ-ზაური
ისტერიკა და ბოდვაო.

—:—

ნებას დავეყვით, ხელახლოდ
ვაკეთეთ არჩევნებო,
მაგრამ არ იქნა, არ მოყვა
ისევ გავიდენ სხვებო.

—:—

მაშინ კი მტრობა ღალატი
მათ გულში ჩაიხვიესო
და სხვა უბნდან საშველად
„ლაშქარი“ მოიწვიესო

—:—

რომ „პირველობა“ ხელთ იგღონ
იპატიებენ ყველასო,
სიმაართლეს აფურჩებენ
ავარჯიშებენ ენასო.

—:—

პრაპორციის და მიხედვით



მაგრამ უარყვს „გმირებმა“
სამართლიანი მცნებაო.

გვემუქრებიან: დღე-ღამეზე
ახალ „ფილიალს“ გაეხსნითო
და თქვენს დაწყებულ საქმესა
შეგიშლით აღარ გაცლითო.

მე გზას ულოცავ, ეშმაკო!
დღე, ფრთები შალონ საფრენად,
გაინაგარდონ ჰაერში
სასიამოვნოდ, საღებნად...
გარეშა იმერელი.

რკინის წყალი.

(გურული სცენა).

რკინის წყალი კარგი არის,
ის სისხლ ნაკრულს მუყუსთებს,
ერთი ვაი, ხათაბაღს,
ყოველთვის არ უნდა დაღიო.

სოლ. ზურგიელიძე.

აი სოლომონე ზურგიელიძე ვინცა ყოფილა,
ქუიანი კაცი კი ყოფილა რავეც ეტყობა. იმის
კარაბადინში ყოლიფერი ქუის სასტავლი წერია,
მარა ერთი ამ რკინის წყალზე რომ დიფწერა: რა
და რა დროზე დავლიოთ და რამდენი, ხომ დავეი-
ხსნიდა ამ სარესკელ ხალხს დაღუვისაგან... ბიჭო,
ამისანე ჩემს მტერს ნუ დამართოს ღმერთმა, ჩვენ
რომ გვემართება დაჩიკებს წაღვერში. რომ დევი-
ბადე, მას მერე მესმის: წაღვერში კაი რკინის წყა-
ლიაო, სისხლ ნაკრულს მოუხდებოაო, მარა, როის
დალიო, რა და რა დროზე, რამდენი, აი, ერთ კა-
კალ კაცმა არ იცის აქობამდი... აი, რავე მეგონა
თვარა, რავე ღმერთი გამიწყლებოდა, რავე ამევი-
დოდი აქანე, ჩვენი ხევის*) წყალის თვისება ყველა-
ფერია აწერილი, ახსნილი დობტურებისაგან ქალაღ-

ღზე და ქვა აწებებული ხევის ღუქნებზე აბელონი-
ვბათ, აქანაი აფერი სიკეთე არ ყოფილა... ამო-
ხადებდიან თურმე რაგარც წროულს, ისე ყოველ
წელიწადს ზაფხულზე საწყალი ავათყოფი ხალხს,
ქაჩვენ და ქაჩვენ ამ რკინის წყალს პიანიცა პე-
ტრიელა რუსივით, მარა ასში ერთს ვერ ნახავ,
რომ ამბობდეს მომიხდაო. ასე დემემართა მე უბე-
ღურს წროულს. დობტურებმა მიჩიეს, სისხლ ნა-
კრული ხარ, წადი მოგხდება წაღვერის რკინის
წყალიო, თვარა, რამდენი დალიე, როისო, იგი
არ უთქვამს ერთ კეკალს. ამ წყალის გულობიზა
დევიდევი ვალი და წამოვედი, თვარა ხაიერი ჩემსს
ნაკლებია სოფელში? წამოვწობოდი ნიგვზის ძირში
და მიბინდილებდა ქარი და ქე ვიქნებოდი. აგი
ასესებული ფული სახლში მეჭამა იგი არ ჯობდა,
მარა, რა ვიცოდი, ასე თუ იყო საქმე... ამუედი
აქანე, ვიფიქრე, ან აბელანე კი იქნება სამე გა-
კრული, ან ვინცა კი დამარტებს რაფერ ვსუა
წყალი მეთქინ. ქირმა არ შეგქამოს, აფერმა კაცმა
აფერი იცოდეს აქანა... ერთმა მითხრა უზმათ არ
დალიოვო. დუუჯერე იმას და ვქაჩე თითო ბოთლი
წყალი ნასადილობეეს, თლა მოქლა კაცი. მეორემ
მითხრა: უზმათ დალიე აფერი გიქირსო“,—ვქაჩე
და ვსვი უზომოდ. უკაცრავათ პასუხია, თქვენთან
შიში და მორიდება, ქე გამაიმასქნა მუცელში. მე-
სამემ მითხრა: „პაწა-პაწი დალიე სადილობის დრო-
სო... დალიე იმან რომ მიჩიია ისე—გვეხედე,
ემწევა კუქი, გამიითა შით ცეცხლი, თაკარა, ემე-
რია გული და სულ დედა ქია არ დამმარტებია
მუცელში, რაც რამე მქონდა ყველაფერი წამომა-
ლებია. მეოთხემ მითხრა: „ასე იმიტამ გიხამდა,
რომ მჟავეს ქამდი რამეს სადილათ, ან ხიდსო,
მჟავე და ხილი აფერი არ უნდა ქამოვო, როცა
მაგ წყალს სუამო... კაი, დუუჯერე იმასაც ვეი-
კრძალე ყოლიფერი ხილი... დალიე კილომ, მაინც
მაწყინა. ვიკითხე, რის მიზეზია ახლა რომ მაწყინა
მეთქი... მითხრეს, ჩაის დალიედი დღეს და იმის
მიზეზი იქნებოა... ვადვირე კაცი, გვექეცი დო-
ბტორთან. იმან მითხრა, სადილი რომ ქამო, ორი
საათის მერე დალიეო... ვქამე სადილი, რაცხა ორი
ლუქმა პური ვიშონე, ნახევრად მშიერი ვიყავო,
წავედი რკინის წყალზე ჩავდექი ვეჩერედში ისე
მომშვიდა ფეხზედ დგამით, რომ მაინც უზმოთ
დამიჩა სმაი და ქე მაწყინა... დავკარი ფეხი დე

*) ხევი სოფელაო გურაიაში. სადაც მყავე წულებია.

იმდლიდან არ წავსულვარ წყალზე და არც ერთი კამპლი დამიღვეია. დასწყევლოს ღმერთმა ჩემი ილბალი, ვადვიროე კაცი და ავია... არა, უწინდელ დროში რომ იყო ასე უყურადღებოთ კილომ არ გაგიკვირდება, მარა ახლა დაჩინი კამიტეტმა რეიზა ვერ გამეიკვლია რას უხდება უმფრო აგი წყალი, რა და რა დროზე დალიოს კაცმა და რამდენი, ამას გამოავაკლოვიებდი თბილისში დოხტურებს; და გაეაკრავდი აბელანის წყალზე და გადავრჩებოდით ამდენ უბედურებას. მე კი დვევილუბე კაცი და რამდონ დღეს მე იქით არ ვქნა პირი, იმდენ დღეს აფერი გეტყინა არავის.

ლუკაიეს ობოლი.

გამოცანს.

(ბანძისაჯვის).

თუ მოხდება სადმე კრება
ტრიბუნაზე ადის იგი,
ფერ წასულისა და მღელვარეს,
მას არ ახსოვს წესი-რიგი,
უგზო-უკვლო ლაპარაკის
აქვს უნარი გაბედული,
მის სიტყვებში არც ლოლიკა,
არც დასკვნა, არც დასარული

მცენარეთა სამეფოდან
იღებს მუდამ მაგალითებს...
(უკაცრავთ, უფრო ხშირად
ითვისს თავის ხელის თითებს).
იერიშობს კერძო პირზე,
„გამავების“ მსურველია,
მაგრამ მისი დამარცხება
ჩვენში არა პირველია.

თუ ვერ მიხვდით, განგიმარტათ:
ის სოჩელი ტერორია,
როგორც თვითონ განაცხადებს;
„თუ მართალი, თუ სწორია!“
ან-და მიდით, შეეკითხეთ
განკიცხულსა ამბაკოსა,
იგი გეტყვის ვინა უტეეს
არწივებსა სუსტი (?) ქორსა.

გურჯი.

ბანსხალეა (+ ?).

როდესაც ბრძოლა დაიწყო,
ეშმაკი, მთავარ სარდალი,
იღვა ბრძოლის ველს უშიშრად,
მტერმა ვერ უქნა ბანდალი.

მარჯვენა ფრთაზე თავუნა,
მარცხნივ ბლიკვაძე ქებული;
მტერს მათრახს სცემდენ უშიშრათ
რაინდნი გამარჯვებულნი.

ონისიმე და ფანტეფო,
მათ მხრებში ედგა მარად;
ტვინს უხურებდა ცეპითა,
მოსულ მტერს დაუმცდარადა.

პოდბივენტა და წაველა,
და სხვა იუმორ მწერლები,
მტერს, რომ ზვერავენ, კალმისთვის
არ გაუშვიათ ხელები.

დღეს აღარც ერთი არა სჩანს,
დარჩა ეშმაკი ეულათ;
სხვა კი აღარ სჩანს და ნეტავ,
რა სენმა დასნეულათ?!

თუ გახდენ დეზერტირები,
დასტოვეს ბრძოლის ველია;
ან ტყვეთ არიან, ან მტრისამ,
ტყვიამ მოსწყვიტა წელია?!

შემოგვითვალეთ, ვინ იცით,
ამ მეზობელების ამბავი,
აგრედამც აგიყვავდებათ,
დელისა და მამის საფლავი...

როკოკო.

წერილი რედაქციას

ბ. რედაქტორო!

წარსულ კვირის ეშმაკის მათრახის მე 29-ში მოთავსებულ წერილში... — „ქიათურისათვის“ ნახსენებია ასეთი სახელი და გვარი: ლუკა ჯ—ას. შეიძლება ბ. კ. ი. ბ. ა. ს. მე ვყავარ სახეში. თუ ეს ასეა ამ წერილის ავტორმა დაუყონებლივ გამოამუღვანოს თქვენი ჟურნალის საშვალეობით თავისი ნამდვილი სახელი და გვარი, და ჩემზე სწორს

შართლი თუ არა იმ ცილის წამებას. თუ ჩემზე სწერს უსათუოდ უნდა დამიმტკიცოს თავისი მოსაზრება ჩემ მიერ გამოწვეულ სამედიკატორო საშარტალში.

ბატვისცემით ლუკა ან. ჯიქია.

ამხ. ეშმაკო! ადგილობრივი ამხანაგები იქვის თვალთ მიყურებენ, თითქოს ქურნალ „ეშმაკის მათრახი“ს № 27 მოთავსებული ლექსი „ნამდვილი მოამაგე“ს (ძღვნად ჯუკუ ხურცილავას) სათაურით „ისარი“ს ფსევდონიმით მე მეკუთვნოდეს, ამისათვის ვთხოვ „ეშმაკის მათრახის“ რედაქციას დამიმოწმოს, რომ ზემოხსენებული ლექსი მე არ მეკუთვნის და მით გამომიყვანოს უხერხული შდგომარეობიდან*).

მიხაილ ს. კაჭარავა.

ფო ს ტ ა

კ. ლ — ვაო. თქვენი სცენა უფრო სატირა-ლია, ვიდრე სახუმარო.

თავისუფალ მოძალაქე კ. გოცირიძეს. გაცნობებთ, რომ ჩვენი მოზარმაყო თანამშრომელი „ისკანდერი“ სცხოვრობს ქ. ბათუმში.

პ. დ. დ — ს. თქვენი მესტირული ვერ გამოდგა, მიუხედავად იმისა, რომ გიწერიათ ღამის ორ საათამდე. სინჯეთ უფრო კვიან საათებში წერა.

გრამაფონს. მიუხედავად ფირმისა თქვენი გამოცანების დამღერება სახამუშო გამოგა.

მოაგარაკეს. თქვენი ლექსი „ცემის სარკე“ ასე იწყება:

„ნუმი წლები რომ დავთვალე
ნაგდექი შესაშოტეში,
შამინ მოესდი ეს მოხუჯი
სსხეირათ დაბ ტემში“.

დაბა ცემი კიდევ არაფერია, გაუძლებს კაცი,

მაგრამ თქვენი ლექსი გაცილებით უარეს ალაგას¹ სარედაქციო კალათში მოხდა.

კ. ხაბალიანს. „თქვენი სვანური სცენა“ ვერ წავა. ავთიმყოფობის გამო.

კ. ბ — მეს. „სცენა“ ერთობ ვრცელია, შეკი არაფერია.

ი. ხინველს.

მგელი და მელა

(იგავ-არაკი)

ერთ ბილიკზედ დიდ ღრმა ტყეში
მილიოდნენ მგელი მელა;
იმათ შეხვდათ გზაზედ დათვი
მოდლიდა ნელა-ნელა...

— „აქეთ მოდით თქვენ ორივემ“ —

ამათს დათვმა დაუძახა...

მგელს და მელას შეეშინდათ

და გაუშრად ორივეს ხახა...

და შემკრთალი მგელი მელა

შიშით განდნენ დათვის წინა

დათვმა მახვდა იმათ შიშსა

და ცოტათი გაიცინა...

— „აბა, მგელო, ეს ხე მოთხარ“

და შენ ეს ხე გესმის მელავ,

ვინც ვერ მოსთხრით თავს ვფიცავარ

სიცოცხლესა დაგიბნელოვ“

უთხრა დათვმა მგელს და მელას

და თან იქვე იწყეს ცქერა;

მგელს იმედი ჰქონდა თავის

და ხეს წამსვე დაეძგერა...

მელას მეტად ეშინოდა—

ვერ მოსთხრიდა თავის ხესა;

მაგრამ—აი, დაეძგერა—

და ხე ყიმსვე წაიქცესა —

და მგელმა ბევრი სცადა

ვერა ვახდა ვერაფერი

და გამოდგა მძლავრ მგელზედა

სუსტი მელა ღონიერი...

ხე მგელისა დიდი იყო

და მიწაში ძირ გადგმული

და მელას კი სუსტი, ბერი,

უძირო და ას წლელი.

* რედაქცია ატხადებს, რომ „ისარი“ სხვა შიშოვნებას და რომ მათ შორის განსხვავება მეტია, ვიდრე შესაგებს.

მელას მეტად უხაროდა
 მეტის-მეტად იცინოდა
 თავს იქებდა, მგელს სცინოდა
 მგელს უძლურსა უხაროდა...

მელა ჩვენში ბევრი არის
 უსამართლოდ შექებული,
 და იმათსა როცა ვხედავ
 მიწუხებთბა სულს, გული.

მელა მართლაც ბევრია ჩვენში, მაგრამ იგავ-
 არაკების მწერალი ძლიერ ცოტა და ამიტომაც
 სიამოვნებით ვბეჭდავთ (ფოსტაში) ი. ხინკელის
 იგავ-არაკს. ვბეჭდავთ უცვლელათ.

ნიკ. დარა—ვილს. „შარდა“ კოკლობს ში-
 ნაარსით. თქვენი სურათები გვარიანა იქნება, რომ
 „ტუშით“ და უკეთეს ქალაღზე იყოს დახატუ-
 ლი, ადრე რო ვიცოდეთ ჩვენს რედაქციას შევძლო
 მათი მოწოდება.

სოფელ ბუღლიეთელს. გაგვაგებიეთ რაზე
 სწერთ?

მეფისტოფელს. უკუღმა გაიგებენ „ძველ
 ძალსა არა..

კანტორა „განათლება“ უკანასკნელათ აცხა-
 დებს, რომ აგენტებს, რომლებსაც გაზეთების გზავ-
 ნა შეუწყდა ფულის გადაუხდელობის გამო, ეძლე-
 ვათ ვადა 15 აგვისტომდე, რის შემდეგ მათი სა-
 ხელი და გვარი ვამოცხადდება გაზეთებში, იქნება
 ეს კერძო პირი, თუ ორგანიზაციის წარმომადგე-

ნელი და ფულების ასაღებათ მიღებული იქნება
 შესაფერი ზომები.

გამოვიდა და იყიდება
ლ ე ო ქ ი ა ჩ ე ლ ი ს

მოთხრობა 1906 წლ. რევოლუციონური მო-
 ძრაობიდან

ტარიელ გოლუა

გამოცემა ავტორისა. წიგნის გავრცელების საქმე
 მინდობილი აქვს კანტორა „განათლებას“.

ფასი 2 მ., აგენტებს თვითეულ 30 ცალ წიგნზე
 დაეთმობა ცალზე 25 კ.

ნისიათ არავის არ გაეგზავნება.

გამოვიდა და იყიდება კანტორა „განათლების“ მიერ
 გამოცემული

ნ ო ე რ ა მ ი შ ვ ი ლ ი ს
 ცნობილი წიგნი

ისტორიული გასწერის ლიზები

ახლათ შესწორებული ავტორის მიერ.

ფასი 1 მ. 50 კ.

იყიდება კანტორა „განათლებაში“.

აგენტებს დაეთმობა 20 პროცენტი. ნისიათ არა-
 ვის გაეგზავნება.

„მ რ თ ო ზ ა“

მიიღება ხელის მოწერა 1917 წლისათვის

ვახეთი ღირს 40გორც თფილისში, ისე პროვინციისში მთელი წლით 15 მანეთი, ნახევარი წლით 8 მ.
 ხაში თვით 4 მან 20 კაპ., მათი თვით 1 მან. 40 კაპ.

ვახეთის ფასი ხელის მომწერლებმა წინდაწინ უნდა გადაიხადონ, ნისიათ არავის გაეგზავნება
 ფოსტით ხელის მომწერლებმა ფული შემდეგი ადრესით უნდა გამოგზავნონ: Тифлисъ, почтовыя
 ящикъ № 199, Власію Малакіевичу Бохохадзе.

თფილისის ხელის მომწერლებმა ფული უნდა შეიტანონ კანტორა „განათლებლაში“ ოფისს ქუჩა №6.



ღმერთო ჩემო! ეს რა მოესწრო ჩვენს ქალაქს, რომელს დაფუჯერო, ყველა გაკეთება
 მპირდება, მოდი დავიწყებ პირველ ნომრიდან.